

成  
方  
切  
用

吳氏醫學述第四種成方切用目錄

上海  
書館

卷九上

除痰門

正方三十一  
附方二十一

芥桂术甘湯

二陳湯

陳皮半夏湯  
半夏茯苓湯

桔梗半夏  
茯苓

半夏湯

二陳加梔連生薑湯

砂枳二陳湯

溫中化

導痰湯

順氣導痰湯

加味二陳湯

溫中化

痰丸

三聖丸  
橘

潤下丸

二賢散

順氣消食化痰

皮湯

金水六君煎

金沸草散

半夏白朮天麻

湯

六安煎

和胃二陳煎  
括痰丸

礞石滾痰丸

寧志

達痰丸

清膈煎

茯苓丸

控涎丹

辰砂散

三子養親湯 常山飲 截瘡七寶飲 滌痰湯

星香散 牛黃丸 貝母丸 清肺飲 清氣

化痰丸 蘇子降氣湯 定喘湯 七氣湯三四七氣

湯 四七湯 白金丸 百花膏加味百 六君子湯

見治六味地黃丸見補八味地黃丸見補

氣門養門

吳氏醫學述第四種

門人周蘭九生庭

武原吳儀洛遵程輯

男

有榆蒼培同較  
有杜雋望

成方切用

除痰門

內經止有積飲之說並無痰證之名至仲景始立四飲之名而痰飲居其一

。今後世相傳無論痰非痰開口便言痰火有云怪病之爲痰者有云痰爲百病母者不知痰之爲病必有所以致之者如因風因火而生痰者但治其風火風火息而痰自清也。因虛因實而生痰者但治其虛實虛實愈而痰自平也。未聞治其痰而風火可自散虛

實可自調者。此所以痰必因。病而生。非病之  
 因痰而致也。治之之法。全在詳辨虛實。果其  
 年力猶盛。血氣未傷。或以肥甘過度。或以溼  
 熱盛行。或逆氣內連肝膈。皆能驟致痰飲。但  
 察其形氣病氣。多屬有餘者。卽實痰也。此則  
 宜行消伐。但去其痰。無不可也。如其形羸氣  
 弱。年及中衰。或以多病。或以勞倦。或以憂思  
 酒色。致成勞損。非風卒厥者。或脈見細數。藏  
 無陽邪。時爲嘔惡泄瀉。氣短聲暗等證。但察  
 其形氣病氣。本非有餘者。皆虛痰也。此則但  
 宜調補。若或攻之。無不危矣。提之治痰之法  
 但能使元氣日強。則痰必日少。卽有微痰。亦  
 自不能爲害。而且充助胃氣。若元氣日衰。則  
 水穀津液。無非痰爾。隨去隨生。有能攻之。使  
 盡。而且保元氣無恙者乎。故善治痰者。惟能  
 使之不生。方是補天之手。苟不辨其虛實。而  
 欲一槩攻之。如王隱君所論。內外百病皆生  
 於痰。悉用滾痰丸之類。其亦但知目前。而不

知日後之患哉。諸家治痰之法。多有治其標者。雖不可。執亦不可廢也。詳列如左。

苓桂木甘湯

金匱

治心下有痰飲胸脇支滿目眩

茯苓

四兩桂枝

白朮

三兩

甘草

二兩

痰飲陰象阻抑其陽用此陽藥化氣以伸其陽

此正法也茲所主乃在胸脇支滿目眩者何耶

靈樞謂心包之脈是動則病胸脇支滿然則痰

飲積於心包其病自必若此目眩者痰飲阻其

胸中之陽不能布水精於上也茯苓治痰飲伐

腎邪通水道桂枝通陽氣和營衛開經絡白朮

治風眩燥痰水除脹滿準繩云痰之本由於脾氣不足不能致精於肺

而淤以成者也治痰宜先補脾脾復健運之常而痰自化矣甘草得茯苓則

不資滿而反泄滿本草亦曰甘草能下氣除煩滿故用之也金

日短氣有微飲當從小便去之苓桂朮甘湯主之腎氣丸亦主之喻嘉言曰予辨息論中已詳

仲景分別呼吸言病之旨矣今短氣亦分呼吸各出一方呼氣之短用苓桂朮甘湯以通其陽

氣化則小便能出矣吸氣之短用腎氣丸以通其陰腎氣通則小便之關門利矣

二陳湯局方陳皮半夏實其陳久治一切痰飲

為病咳嗽脹滿嘔吐惡心頭眩心悸稠者為痰稀者為飲

水溼其本也得火則結為痰隨氣升降在肺則咳在胃則嘔在頭則眩在心則悸在背則冷在

肺則脹中腕有痿令人憎寒壯熱頭痛類外感  
表證久則潮咳夜重又類陰火內傷走注厥節  
疼痛又類風證但肌色如故脈滑不勻為異。

半夏

薑製二錢

陳皮

白去

茯苓

錢一

甘草

五分

加薑煎

製半夏之毒。

治痰通用

二陳

風痰

加南星

白附

皂角

能

竹瀝寒痰加半夏薑汁火痰加石膏青黛溼痰  
加蒼朮白朮燥痰加栝蘂杏仁食痰加山查麥  
芽神麴老痰加枳實海石苾硝氣痰加香附枳  
殼脇痰及在皮裏膜外加白芥子四肢痰加竹  
瀝



半夏辛溫體滑性燥行水利痰為君痰因氣滯

氣順則痰降

羅安常曰善治痰者不治痰而治氣氣順則一身津液亦隨氣而順

矣故以橘紅利氣痰由溼生溼去則痰消故以

茯苓溼溼為臣中不和則痰涎聚又以甘草和

中補土為佐也

或曰有痰而渴宜去半夏代以

水者易之渴而不能飲水者雖渴猶宜半夏也此溼為本熱為標溼極而兼勝已之化非真象也按貝母寒潤主肺家燥痰半夏溫燥主脾家溼痰雖俱化痰而寒溼燥潤各異脫或悞施貽害匪淺用者宜審之有血不足陰火上逆肺受火傷肅清之令不得下行由是津液渾濁生痰不生血者名燥痰當用潤劑如地黃門冬枸杞之類滋陰降火而痰自清若痰二陳並見虎

殆有頭風斜視骨痛投以風藥不効投以痰藥見功又有眼赤羞明與之涼藥不廖鼻以痰劑養愈有人坐處吐痰滿地不甚稠黏只是沫多此氣虛不能攝痰才可用利藥宜六君子加益智仁一錢以攝之。

去茯苓甘草名陳皮半夏湯再加桔梗名桔梗半夏湯去陳皮甘草名半夏茯苓湯治水氣嘔惡加黃芩名茯苓半夏湯宣明治熱痰加黃連梔子生薑名二陳加梔連生薑湯治膈上熱痰令人嘔吐去生薑治嘈雜加砂仁枳殼名砂枳二陳湯行痰利氣加膽星枳實名導痰湯治頑痰膠固非

二陳所能除者

加膽星以助半夏。加枳實以成衝牆倒壁之功。有痰飲流入

四肢肩背痠痛手足罷軟候以為風則非其治宜導痰湯加木香片子薑黃。

再加葛

蒲治驚悸健忘怔忡不寐導痰湯加木香香附

名順氣導痰湯治痰結胸滿欬逆上氣加枳實

栝蒌葶子山查神麴治食積痰嗽發熱加蒼朮

枳殼片子薑黃名加味二陳湯

仁治痰攻眼腫

併酒家手臂重痛麻木除甘草加乾薑薑汁糊

丸名溫中化痰丸

寶鑑治胸膈寒痰不快除茯苓

甘草加黃連麴糊丸薑湯下名三聖丸治痰火

嘈雜心懸如饑單用陳皮生薑名橘皮湯金匱治  
乾嘔噦及手足厥者單用半夏薑汁名生薑半  
夏湯金匱治似喘不喘似嘔不嘔似噦不噦心中  
憤憤然無奈者

### 潤下丸 治膈中痰飲

廣陳皮

去白八兩  
鹽水洗浸

甘草

二兩  
蜜炙

蒸餅糊丸或將

陳皮鹽水煮爛曬乾同甘草爲末名二賢散薑  
湯下溼勝加星夏火盛加芩連

陳皮燥溼而利氣溼去則痰消氣順則痰下食

鹽潤下而軟堅潤下則痰降軟堅則痰化痰在  
膈中故用甘草引之入胃甘草經蜜炙能健脾  
調胃脾胃健則痰自行矣

順氣消食化痰丸瑞竹堂治酒食生痰胸膈膨悶

五更咳嗽過飲則脾濕過食辛熱油膩之物皆能生痰壅於胸膈故滿悶五更咳嗽

由胃有積熱至此時火氣流入肺中故嗽

半夏薑製膽星一青皮 陳皮白去萊菔子生用蘇子

沉水山查 麥芽 神麴 葛根 杏仁去皮

香附製一兩薑汁和蒸餅糊丸一方半夏南星白礬皂角生薑

等分同煮至南星無點爲度去皂角薑切同曬乾用

痰由溼生半夏南星所以燥溼痰由氣升蘇子  
蒴子杏仁所以降氣痰由氣滯青皮陳皮香附  
所以導滯痰因於酒食葛根神麴所以解酒山  
查麥芽所以化食溼去食消則痰不生氣順則  
咳嗽止痰滯旣去滿悶自除也

金水六君煎 治肺腎虛寒水泛爲痰或年邁陰  
虛血氣不足外受風寒咳嗽嘔惡多痰喘急等  
證神效妙劑 此六君子湯之變方也

當歸

錢二三

熟地

錢三五

陳皮

半錢

半夏

錢二

茯苓

炙草

錢一

加生薑三五七片

如大便不實而

多溼者去當歸加山藥

如痰盛氣滯胸膈不

快者加白芥子七分如陰寒盛而嗽不愈者

加細辛五七分如兼表邪寒熱者加柴胡一

二錢

金沸草散

活人

治肺經傷風頭目昏痛咳嗽多痰

風盛則氣壅。氣壅則痰升。故頭目昏痛而咳嗽。直指方云。咳嗽感風者。鼻塞聲重。傷冷者。懷清。快寒。挾熱為焦煩。受溼為纏滯。瘀血則膈間腥。聞。停水則心下怔忡。三因方云。一婦牙疼。治療。

不效。口類皆腫。以金沸草散。大劑煎湯薰漱而愈。

旋覆花

即金沸草

前胡

細辛

錢一 荆芥

錢半

赤茯苓

六分

半夏

五分

甘草

炙三分

加薑棗煎局方加麻黃赤

芍無赤扶細辛如滿悶加枳殼桔梗有熱加柴

胡黃芩頭痛加川芎

風熱上壅。荆芥輕辛發汗而散。風痰涎內結。前胡旋覆消痰而降氣。半夏燥痰而散逆。甘草發散而緩中。茯苓行水。細辛溫經。蓋痰必挾火而兼溼。故下氣利溼而證自平。茯苓用赤者入血。



分而瀉丙丁也

半夏白朮天麻湯

東垣

治脾胃內傷眼黑頭眩頭

痛如裂身重如山惡心煩悶四肢厥冷謂之足

太陰痰厥頭痛

痰厥者。淫痰厥逆而生也。痰逆則上實。故令頭痛目眩。眼前見

黑色也。東垣曰。太陰頭痛必有痰也。少陰頭痛。足寒而氣逆也。太陰少陰二經。雖不上循頭。然痰與氣逆。壅於膈中。頭上氣不得暢而為痛也。

半夏

薑製麥芽

錢半

神麴

炒

白朮

錢炒一

蒼朮

酒浸

人參

黃耆

炙

陳皮

茯苓

澤瀉

天麻

五分

乾薑

三黃葉

二分

酒洗

每服

五錢

痰厥頭痛非半夏不能除

半夏燥痰而能和胃

頭旋眼黑

虛風內作非天麻不能定黃耆人參甘溫可以

補中亦可以瀉火二朮甘苦而溫可以除痰亦

可以益氣

去溼故除痰健脾故益氣

苓澤瀉熱導水陳皮調

氣升陽神麴消食蕩胃中滯氣麥芽化結助戊

已運行

脾胃為戊土脾為已土

乾薑辛熱以滌中寒黃檗苦

寒以療少火在泉發躁也

東垣曰夫風從上受之風寒傷上邪從外

入令人頭痛身重惡寒此傷寒頭痛也頭痛耳鳴九竅不利腸胃之所生乃氣虛頭痛也心煩

頭痛者過在手太陽少陰乃溼熱頭痛也如氣上不下頭痛巔疾者下虛上實也過在足太陽

少陰甚則入腎寒溼頭痛也。如頭半寒痛者，先取手少陽陽明，次取足少陽陽明，此偏頭痛也。有厥逆頭痛者，所犯大寒，內至骨髓，髓者以腦為主，腦逆故令頭痛，齒亦痛，有真頭痛者，甚則腦盡痛，手足寒至節，死不治。頭痛每以風藥治之者，以高巔之上，唯風可到，味之薄者，陰中之陽，乃自地升天者也。太陽頭痛，惡風寒，脈浮緊，川芎羌活獨活麻黃之類為主。少陽頭痛，脈弦，細往來寒熱，柴胡黃芩為主。陽明頭痛，自汗發熱，惡寒，脈浮緩長實者，升麻葛根白芷石膏為主。太陰頭痛，必有痰，體重或腹痛，為痰癖，其脈沉緩，蒼朮半夏南星為主。少陰頭痛，三陰三陽經不流行，而足寒氣逆，為寒厥，其脈沉細，麻黃附子細辛湯主之。厥陰頭痛，或吐涎沫，厥冷脈浮緩，吳茱萸湯主之。血虛頭痛，當歸川芎為主。氣虛頭痛，人參黃耆為主。氣血俱虛頭痛，調中益氣湯少加川芎蔓荊子細辛，清空膏風溼頭痛藥也。白朮半夏天麻湯痰厥頭痛藥也。羌

活附子湯厥逆頭痛藥也。如溼氣在頭者以苦吐之不可執方而治。按以苦吐之者瓜蒂散濃茶之類是也。或搐去鼻中黃水亦治溼氣在頭之捷法。

# 六安煎 治風寒咳嗽痰滯氣逆

陳皮

一錢五分

半夏

二錢三分

茯苓

二錢

甘草

一錢

杏仁

一錢白

芥子

五七分年老氣弱者不用

加生薑

三五片

凡外

感風邪咳嗽而寒氣盛者多不易散

宜加北細

辛七八分或一錢

桂枝亦可

若風勝而邪不盛者加防風一錢

或蘇葉亦可

若頭痛鼻塞者加川芎白芷蔓

若冬月寒邪盛者加麻黃

或蘇葉亦可

若頭痛鼻塞者加川芎白芷蔓

若冬月寒邪盛者加麻黃

或蘇葉亦可

若頭痛鼻塞者加川芎白芷蔓

或蘇葉亦可

若頭痛鼻塞者加川芎白芷蔓

若冬月寒邪盛者加麻黃

或蘇葉亦可

若頭痛鼻塞者加川芎白芷蔓

若冬月寒邪盛者加麻黃

或蘇葉亦可

若頭痛鼻塞者加川芎白芷蔓

若冬月寒邪盛者加麻黃

或蘇葉亦可

荆子皆可 若兼寒熱者加柴胡蘇葉 若風邪咳嗽不止而兼肺胃之火者加黃芩一二錢 甚者再加知母石膏所用生薑止宜一片 凡寒邪咳嗽痰不利者加當歸二三錢老年者尤宜 若氣血不足者當以金水六君煎俱此參用 凡時行初感痰勝而氣不順者加藿香一錢五分兼脹滿者加厚朴一錢暫開痰氣然後察其寒熱虛實而調補之若氣虛猝倒及氣平無痰者皆不可用此

去杏仁白芥子加炒乾薑一二錢砂仁四分名  
和胃二陳煎治胃寒生痰惡心嘔吐滿悶噯氣  
去杏仁白芥子加豬苓澤瀉茯苓一錢五分白  
朮一二錢乾薑炒黃二錢名苓朮二陳煎治痰  
飲水氣停蓄心下嘔吐吞酸等證如肝腎兼寒  
者再加肉桂一二錢去杏仁加乾薑豬苓爲末  
湯浸蒸餅爲丸綠豆大白滾湯下名括痰丸治  
一切停痰積飲吞酸嘔酸脹悶如胸脇疼痛者  
加天台烏藥

礞石滾痰丸

王隱君

治實痰老痰怪證百病

風木太過

尅制脾土氣不運化積滯生痰壅塞中上二焦遇薄腸胃曲折之處請之老痰變生諸證不可測識非尋常藥餌所能療也此丸主之

青礞石

兩

沉香

錢五

大黃

酒蒸

黃芩

兩

將礞石打

碎用焰硝一兩同入瓦罐鹽泥固濟曬乾火煅

石色如金爲度

礞石煅過無金星者不堪用陳久者佳新煅者火毒硝毒未除

研末和諸藥水丸量人虛實服之薑湯送下服

後仰臥令藥在胸膈之間除逐上焦痰滯不互

飲水行動

礞石剝悍之性能攻陳積伏歷之痰

吐痰水上礞石抄

之痰即隨下故為利痰聖藥

大黃蕩熱去實以開下行之路

黃芩瀉肺涼心以平上僭之火沉香升降諸氣

上至天而下至泉以導諸藥為使也然乃峻劑

非體實者不可輕投

王隱君曰痰證古今未詳方書雖有五飲諸飲之異

而莫知其為病之源或頭風作眩目運耳鳴或口眼蠕動者移耳輪痛癢或四肢游風腫硬似疼非疼或為齒頰癢痛牙齒浮而痛癢或噁氣吞酸心下嘈雜或痛或噦或咽噎不利咯之不出噦之不下其痰如墨有如破絮桃膠蛻肉之狀或心下如停冰鐵心氣冷痛或夢寐奇怪之狀或足腕痠軟腰背骨節卒痛或四肢筋骨疼痛難以名狀竝無常處以致手臂麻痛狀若風



溼或脊上一條如線之寒起者或渾身習習如  
臥芒刺者或眼黏溼癢口糜舌爛痰痺等證或  
繞頂結核狀若燎癰或胃腹間如有二氣交紐  
噎息煩悶有如煙火上衝頭面烘熱或爲失志  
癰癩或中風癱瘓或勞瘵荏苒之疾或風毒脚  
氣或心下怔忡或畏人捕或喘嗽嘔吐或嘔冷  
涎綠水黑汁甚爲肺癰腸毒便膿攀跛內外爲  
病百端皆痰所致其狀不同難以盡述蓋津液  
既凝爲痰不復周潤三焦故口燥咽乾大便秘  
結面如枯骨毛髮焦槁婦人則因此月水不通  
若能逐去敗痰自然服餌有效余用滾痰  
丸以愈諸疾不可勝數特相傳於世云

加元明粉一兩硃砂爲衣治同減大黃黃芩各  
六兩加橘紅半夏各二兩甘草一兩竹瀝薑汁  
爲丸名竹瀝達痰丸治同力稍和緩

清膈煎

治痰因火動氣壅喘滿內熱煩渴等證

陳皮

一錢五分

貝母

二三錢

膽星

一錢

海石

木通

二錢白芥子

五分

如火盛痰不降者加童便一

小鍾

如渴甚者加天花粉二錢如熱在上

焦頭面紅赤煩渴喜冷者加生石膏二三錢

如痰火上壅而小水不利者加澤瀉一二錢

如痰火閉結大便不通而兼脹滿者加大黃數

錢或朴硝一二錢酌宜用

茯苓丸

方指迷

治痰停中脘兩臂疼痛

脾主四肢脾滯而氣

成方切用

卷九上

清膈煎

茯苓丸

主

不下。故上行攻臂。其脈沉細者是也。

半夏麴二兩扶苓一兩枳殼五錢風化硝二錢半

未易成。但以朴硝撒竹盤中。少時盛水。置當風處。即乾。如苾硝刮取。亦可用。薑汁

糊丸薑湯下。

半夏燥溼。茯苓滲水。枳殼行氣。化硝軟堅。去堅

生薑制半夏之毒。而除痰。使痰行氣通。臂痛自

止矣。嘉言曰。痰藥雖多。此方甚效。痰飲流入四肢。令人肩背痠痛。兩手罷軟。誤以為風

則非其治。宜導痰湯。加木香。薑黃各五分。輕者指迷茯苓丸。重者控涎丹。若血虛不能榮筋。而

致臂痛。宜蠲痺四物湯。各半帖和服。

控涎丹

一名妙應丸三因方

治人忽患胸背手足腰項筋

骨牽引釣痛走易不定或手足冷痺氣脈不通此乃痰涎在胸膈上下誤認癰瘰非也

甘遂

去心

大戟

去皮

白芥子

等分

爲末糊丸臨臥

薑湯服五七丸至十丸痰猛加丸數腳氣加檳

榔木瓜松枝卷柏驚痰加硃砂全蠍驚氣成塊

加穿山甲鼈甲延胡索蓬朮熱痰加盆硝寒痰

加胡椒丁香薑桂

李時珍曰痰涎爲物隨氣升降無處不到入心

戒方切用

痰

卷九上

控涎丹

圭

則迷成癰癰入肺則塞竅爲喘咳背冷入肝則  
膈痛乾嘔寒熱往來入經絡則麻痺疼痛入筋  
骨則牽引釣痛入皮肉則癰癰癰腫陳無擇三  
因方竝以控涎丹主之殊有奇功此乃治痰之  
本痰之本水也溼也得氣與火則結爲痰大戟  
能泄臟腑水溼甘遂能行經隧水溼直達水氣所結之處  
以攻決白芥子能散皮裏膜外痰氣唯善用者  
爲用。虛弱人慎用。丹溪曰胃氣亦賴  
能收奇功也。痰以養才不可盡攻攻盡則虛而愈  
劇。

辰砂散靈苑

治風痰諸癇癲狂心疾

諸癇因驚恐憂怒火盛干

心痰塞心竅發時卒倒搐掣叫吼吐涎食頃乃醒身熱脈浮在表者陽癇屬六腑易治身冷脈沉在裏者陰癇屬五臟難治其實痰火與驚而已癲狂亦由於此

辰砂光明者

乳香光瑩者

棗仁五錢

溫酒調下

恣飲沉醉聽睡一二日勿動若驚寤不可復治

辰砂鎮心瀉心火乳香入心散瘀血棗仁補肝

膽而寧心

加人參一兩蜜丸彈丸大各寧志膏本每服一

丸薄荷湯下治同

三子養親湯

韓

治老人氣實痰盛喘滿懶食

不

自動因火而動氣有餘便是火氣盛上雍故喘痰火塞胸故懶食

紫蘇子

沉水

白芥子

萊菔子

各微炒研煎

服或等分或看病所主為君

白芥子除痰紫蘇子降氣萊菔子消食然皆行

氣豁痰之藥氣行則火降而痰消矣

吳鶴皋曰治痰先理

氣此治標爾終不若二陳能健脾去溼有治本之功也李士材曰治病先攻其甚若氣實而喘則氣反為木痰反為標矣是在智者神而明之若氣虛者非所宜矣

常山飲局

瘧久不已者用此截之

瘧初起不宜截截則邪氣

未盡變生他藥  
發久則可截之。

常山燒酒炒草菓煨檳榔 知母 貝母一錢烏

梅二箇薑三片棗二枚半酒半水煎露一宿日

未出時面東空心溫服渣用酒浸煎待瘧將發

時先服一方有良薑甘草無檳榔一方加穿山

甲甘草

古云無痰不作瘧常山引吐行水祛老痰積飲

檳榔下氣破積能消食行痰陰陽不和則瘧作

陽勝則熱。陰勝則寒。知母滋陰能治陽明獨勝之火草菓



辛熱能治太陰獨勝之寒。貝母清火散結瀉熱。

除痰烏梅酸斂。潛收生津退熱。斂陰故退熱。合爲截

瘧之劑也。

趙以德曰：常究本草，知母、草薢、常山、烏梅、檳榔、穿山甲，皆云治瘧。集以成

方者，爲知母性寒，入足陽明，治獨勝之熱，使退就太陰。草薢溫燥，治足太陰獨勝之寒，使退就

陽明。二經和，則無陰陽交錯之變，是爲君藥。常

山主寒熱瘧，吐胸中痰結，是爲臣藥。烏梅湧痰，

檳榔除痰癖，破滯氣，是爲佐藥。穿山甲穴山而

居，遇水而入，則是出入陰陽貫穿經絡於營分，

以破暑結之邪，爲使藥也。惟脾胃有鬱痰者，用

之收效。李士材曰：常山生用多用則吐，與甘草

同用亦必吐。若酒浸炒透，但用錢許，每見奇功，

未見其或吐也。世人泥於老人久病忌服之說，

使良藥見疑，沉痾難起，抑何愚耶？李時珍曰：常

山蜀漆劫痰截瘧，須在發散表邪及提出陽分。

之後用之得宜得甘草則吐得大黃則利得烏梅穿山甲則入肝得小麥竹葉則入心得秫米麻黃則入肺得龍骨附子則入腎得草菓檳榔則入脾蓋無痰不作瘧一物之功亦在驅逐痰水而已。

# 截瘧七寶飲

易簡

治實瘧久發不止寸口脈弦滑

浮大者

脈弦為肝風滑為痰浮為在表大為陽若脈沉細微瀼者禁用

不問鬼

瘧食瘧竝皆治之

常山

酒炒

草菓

煨

檳榔

青皮

厚朴

陳皮

甘草

等分用酒水各一鍾煎熟絲綿蓋之露

一宿於當發之早而東溫服

經日工不治其已發為其氣逆也

凡癰將來可服藥阻其來將去可服藥追其去  
若癰勢正盛服藥與之混戰徒自苦爾但癰之  
來去既遠藥不相及五不當一

故服藥妙在將來將去之時

常山能吐老痰積飲檳榔能下食積痰結草菓

能消太陰膏粱之痰陳皮利氣厚朴平胃青皮

伐肝癰爲肝邪皆爲溫散行痰之品加甘草入胃佐

常山以吐瘧痰也玉機微義曰此方乃溫脾燥烈之藥蓋作脾寒治也用之

亦效者值病人陰陽相并脾氣鬱結濁液凝痰  
閉塞中脘因得燥熱亦以暫開所以氣通而疾  
止若中氣虛弱內有鬱火之人復用燥熱愈劫  
愈燥各將誰執楊仁齋曰瘧有痰有水有血惟水飲  
所以作寒熱惟痰血所以增寒熱常山能逐水  
故也若是血證當加桃仁五靈脂爲佐入生薑

蜜同煎。苟無行血之品，何以收十全之功耶？命集云：癰夜發者，乃邪氣深遠而入血分，為陰經有邪，宜加桃仁於桂麻湯中，發散血中之風寒。

# 滌痰湯

嚴氏

治中風痰迷心竅舌強不能言

心在竅為

舌。心別脈繫舌根，脾脈連舌本。散舌下腎脈挾舌本。三脈虛則痰涎乘虛閉其脈道，故舌不能轉運言語也。若三脈亡血，不能榮養而瘖者，又當加補血藥。風痰塞其經絡，舌強不能言，其證為重。若壅熱上攻，舌腫不能轉者，其證為輕。

半夏

薑製

膽星

二錢五分

橘紅

枳實

茯苓

二錢人參

葛蒲

一錢

竹筴

七分

甘草

五分

加薑煎

心脾不足風邪乘之而痰與火塞其經絡故舌

本強而難語也人參茯苓甘草補心益脾而瀉  
 火陳皮南星半夏利氣燥溼而祛痰菖蒲開竅  
 通心枳實破痰利膈竹茹清燥開鬱使痰火降  
 則經通而舌柔矣喻嘉言曰此証最急此藥最  
 實用此湯調下牛黃丸審其屬虛用此湯調下  
 二丹丸庶足開痰通竅一丹丸見祛風門有  
 風中心脾者有痰塞心竅者有風寒壅滯者致  
 舌本木強又有氣虛血虛腎虛及老人暴不能  
 言者宜十全大補  
 湯加菖蒲遠志

星香散 治中風痰盛體肥不渴者

膽星八錢 木香二錢 為末服或加全蠍

南星燥痰之品製以牛膽以殺其毒且膽有益

肝膽之功

肝膽之經屬風木。

佐以木香取其行氣以利

痰也

木香能疏肝氣和脾氣。

肥而不渴宜燥可知加全蠍

者以散肝風也

中風體虛有痰者宜六君子或四君子湯調下此散。

牛黃丸

治風癰迷悶涎潮抽掣

風癰或感風寒暑溼或飲食不

節逆於臟氣鬱而生涎閉塞諸經厥而乃成。或數日一發。或一日數發。發則眩仆倒地昏不知

人。癰經抽掣。口目喎斜。或隨臟氣作六畜之聲。

膽星

全蠍

去足焙

蟬蛻

二錢五分

牛黃

白附子

殭蠶

洗焙

防風

天麻

錢半

麝香

五分

煮棗肉和水

銀五分細研入藥末爲丸荊芥薑湯下

牛黃清心解熱開竅利痰天麻防風南星全蠍

辛散之味殭蠶蟬蛻清化之品白附頭面之藥

去頭面遊風皆能搜肝風而散痰結麝香通竅水銀

劫痰引以薑芥者亦以逐風而行痰也按牛黃丸之方

頗多互有異同然大要在於搜風化痰寧心通

竅多用冰麝牛雄金珠犀珀若中臟者宜之如

中腑中血脈者反能引風入骨此方

貝母丸消痰熱潤肺止嗽或肺癰肺痿乃治標之妙劑

貝母一兩 爲末用砂糖或蜜和丸龍眼大或噙

化或嚼服之若欲劫止久嗽每貝母一兩宜加

百藥煎蓬砂天竺黃各一錢五分尤妙如無百

藥煎卽醋炒文蛤一錢亦可或栗殼亦可酌用

若治肺癰宜加白礬一錢同貝母丸服如前法

最妙

清肺飲 治痰溼氣逆而咳嗽肺受火傷則氣逆而爲咳脾有停溼

則生痰而作嗽病有五臟六腑之殊而其要皆歸於肺以肺爲五臟華蓋下通膀胱外達皮毛

爲氣之主而出聲也大法新嗽脈浮爲表邪宜發散脈實爲內熱宜清利脈濡散爲肺虛宜溫



補久嗽曾經解利以致肺胃俱虛飲食不進宜  
溫中助胃兼治嗽藥。素問曰肺之令人欬何  
也曰五臟六腑俱令人欬非獨肺也皮毛者肺  
之合也皮毛先受邪氣邪氣以從其合也五臟  
各以其時受病非其時各傳以與之有自外得  
者肺主皮毛風寒暑溼之邪自皮毛入內傳臟  
腑而為嗽也有自內發者七情饑飽內有所傷  
則邪氣上逆肺為氣出入之道故五臟之邪上  
蒸於肺而為嗽也然風寒暑溼有不為嗽者蓋  
所感者重不畱於皮毛徑傷臟腑而成傷寒溫  
熱諸病七情亦有不為嗽者蓋病尚淺只在本  
臟未傳入肺所以傷寒以有嗽為輕而七情饑  
飽之嗽必久而後發也

杏仁

尖去皮

貝母

茯苓

錢一

桔梗

甘草

五味

子

橘紅

五分

加薑煎火嗽

加青黛

無憂海石

食積痰加香附山查枳實溼痰除貝母加半夏  
南星燥痰加栝蒌知母天冬午煎嗽屬胃火宜  
清胃加石膏黃連午後嗽屬陰虛宜滋陰降火  
加芍歸芍地知礪二冬竹瀝薑汁傳送黃昏嗽  
爲火浮於肺不可用涼藥宜五倍五味訶子斂  
而降之勞嗽見血多是肺受熱邪宜加歸芍阿  
膠天冬知母欸冬紫苑之類久嗽肺虛加參耆  
如肺熱用沙參

此治嗽之通劑也杏仁解肌散寒降氣潤燥貝

母清火散結潤肺化痰五味斂肺而寧嗽茯苓  
除溼而理脾橘紅行氣甘草和中桔梗清肺利  
膈載藥上浮而又能開壅發表也

清氣化痰丸

治熱痰

氣有餘則為火。液有餘則為痰。痰隨火而升降。故治

痰者必降其火。治火者必順其氣也。

半夏

薑製

膽星

兩半

橘紅

枳實

炒

杏仁

去皮尖

桔萸

仁

去油

黃芩

炒酒

茯苓

薑汁

糊丸

淡薑湯下

此治痰火之通劑也半夏南星以燥溼氣黃芩  
桔萸以平熱氣陳皮以順裏氣杏仁以降逆氣

枳實以破積氣。茯苓以行水氣。水溼火熱皆生痰之本也。氣之亢而為火。猶民之反而為盜。盜平則還為良民。而復其業矣。火退則還為正氣。而安其位矣。故化痰必以清氣為先也。

蘇子降氣湯

局方

治虛陽上攻氣不升降上盛下

虛痰涎壅盛喘嗽嘔血或大便不利

肺為氣主火升尅肺

故氣高痰湧或喘或嗽甚則嘔血也。火炎津枯有升無降故大便不利。又有氣痛便秘用通劑而愈不通故暫通復秘因而下血者亦當順氣氣順則自通。當求溫緩之劑。

蘇子

半夏

前胡

厚朴

薑炒橘紅

當歸

錢一

甘草炙肉桂分五加薑煎一方無桂有沉香

蘇子前胡厚朴橘紅半夏皆能降逆上之氣兼

能除痰氣行則痰行也數藥亦能發表既以疏

內壅又以散外寒也風痰壅盛當歸潤以和血

甘草甘以緩中下虛上盛故又用官桂引火歸

元也王機微義曰此散鬱和中之劑準繩口口

升法當先順其氣氣降則血歸經矣宜蘇子降

氣湯加人參阿膠各一錢下養正丹金石煎煉

而或皆偶用治標之劑未可以為定訓也

定喘湯

治肺虛感寒氣逆膈熱而作哮喘膈有

之痰外有非時之感則令人哮喘由寒束於表陽氣併於膈中不得泄越故膈熱氣逆聲粗為哮喘外感之有餘也氣促為喘肺虛而不足也

白菓三十枚炒麻黃薑製欵冬花三錢桑白皮蜜蘇

子二錢杏仁去皮黃芩半錢甘草一錢半夏三錢如薑煎

表寒宜散麻黃杏仁桑皮甘草辛甘發散瀉肺

而解表裏熱宜清欵冬溫潤白菓收瀉善化定

喘而清金蘇子降肺氣黃芩清肺熱半夏燥溼

痰以共成散寒疏壅之功也

七氣湯三因方亦名四七湯治七情氣鬱痰涎結聚略不

出嚥不下胸滿喘急或咳或喘或攻衝作痛七情

者喜怒憂思悲恐驚也七情之病令人氣結痰聚陰陽不得升降故有痞滿喘咳衝攻等證

半夏薑汁炒厚朴薑汁炒茯苓錢四紫蘇錢二加

薑棗煎

氣鬱則痰聚故散鬱必以行氣化痰為先半夏

辛溫除痰開鬱厚朴苦溫降氣散滿紫蘇辛溫

寬中暢肺定喘消痰茯苓甘淡滲溼益脾通心

交腎痰去氣行則結散鬱解而諸證平矣

加白芍陳皮人參桂心亦名七氣湯治七情

鬱結陰陽反戾吐利交作寒熱眩運痞滿噎塞

四七湯

局方亦名七氣湯

治七情氣鬱痰涎結聚虛冷

上氣或心腹絞痛或膨脹喘急

針經云胃絡不和喘出於陽明

之上逆真元耗散喘出於腎氣之上奔。

人參

官桂

半夏

錢一甘草五分

加薑煎心腹

痛加延胡索

能行血中氣滯氣中血滯。

李士材曰夫七情過極皆傷其氣丹溪以越鞠

丸主之而此獨異者蓋鬱久則濁氣閉塞而清

氣日薄矣故雖痛雖膨而不用木香枳殼用人



參以壯主氣之臟

肺

官桂以制謀慮之官

肝者將軍

之官謀慮出焉桂能平肝鬱久生痰半夏爲之驅逐鬱故不

和國老爲之調停况桂性辛溫疏氣甚捷鬱結

者還爲和暢矣湯名四七者以四味治七情也

玉機微義曰經云寒則氣收宜辛散之甘緩之此治氣虛寒鬱藥也

白金丸

治癲狂失心

癲多喜笑。尙知畏懼。證屬不足。狂多忿怒。人莫能制。

證屬有餘。此病多因驚憂痰血塞於心。痰所致。難經云。諸陽爲狂。諸陰爲癲。

白礬三兩

鬱金七兩

薄荷糊丸

白礬酸鹹能軟頑痰鬱金苦辛能去惡血痰血

去則心竅開而疾已矣

百花膏 治喘嗽不已或痰中有血虛人尤宜

百合 欵冬花 等分蜜丸龍眼大臨臥薑湯

下或噙化加紫苑百部烏梅名加味百花膏

欵冬瀉熱下氣清血除痰百合潤肺寧心補中

益氣竝爲理嗽要藥

吳氏醫學述第四種成方切用目錄

卷九下

殺蟲門

正方一十

烏梅丸

濕臟丸

集効丸

蠟蟲丸

使君子

丸

獺肝丸

掃蟲煎

化蟲丸

消渴殺蟲方

雄檳丸

吳氏醫學述第四種

門人周蘭九生庭

武原吳儀洛遵程輯

男

有榆蒼培同較  
有杜雋望

成方切用

殺蟲門

風字從虫蟲風化也淫熱鬱久則生

殺完整蟲生於內人之腸胃無物不變豈得  
無蟲三尸九道理或有之其猖狂於腸胃為  
痛為嘔為嗽為嗜種種煩苦須仗醫藥自來  
殺蟲之方每多險峻今人腸胃脆薄須兼養  
胃益血理中乃妥至蛔蟲乃人身之常有者  
偶為食傷或吐或瀉出和中自安不可攻伐

成方切用

卷九下烏梅丸

昧者不知。妄用雷丸使君之類反致傷氣血而疾作矣。

烏梅丸

仲景

治傷寒厥陰證寒厥吐衄

傷寒厥厥者死

者脈微而厥至七八日膚冷發躁無暫安時也

又煩衄者衄上入膈則煩須臾復止得食則嘔而

當自吐衄衄與烏梅丸溫臟安衄亦治胃腑發

咳咳而嘔嘔甚則長蟲出亦主久痢

烏梅

三百枚

細辛

桂枝

人參

附子

炮

黃蘗

六兩

黃連

一兩

乾薑

十兩

川椒

去汗

當歸

四兩

苦酒

也

浸

烏梅一宿去核蒸熟和藥蜜丸

虵得酸則伏故以烏梅之酸伏之虵得苦則安

故以連藥之苦安之。虬因寒而動，故以桂附薑

椒溫其中臟，而以細辛當歸潤其肝腎。人參用

以助脾

吐蛇為胃寒之故，則成虬厥。宜理中湯加炒川椒五粒，檳榔五分，吞烏梅九粒。

郊倩曰：烏梅丸於辛酸入肝藥中，微加苦寒，納

上逆之陽邪，而順之使下也。雖曰安蛇，實是安

胃，故併主久利。見陰陽不相順接而下利之證，

皆可以此方括之也。經曰：凡陰陽不相順接，

便為厥。方時行曰：經云：手之三陰從腹走手，手

之三陽從手走頭，足之三陽從頭走足，足之三

陰從足走腹，是三陰二陽俱相接於手足者，

也。陽氣內陷，不與陰氣相順接，故手足逆冷。

溫臟丸

治諸蟲積既逐而復生者，多由臟氣虛

寒，宜溫健脾胃以杜其源。

成方切用

卷九下

二

人參

隨宜用

川椒

去開口者炒出汗

白芍

酒炒

茯苓

細樵

肉

使君子

煨取肉

檳榔

二兩

白朮

米泔浸炒

當歸

薑

吳茱萸

湯泡一宿一兩

爲末神麴糊丸桐子大

每服五七十九或百丸饑時白湯下

如臍寒

甚者加製附子一二兩

集効丸

三四

治蟲嚙腹痛作止有時或耕起往來

腹痛有作止者蟲嚙則痛不嚙則止也耕起往來者蟲不安其位也

大黃

炒兩半

鶴虱

炒

檳榔

訶子皮

蕪荑

炒木

香

乾薑

炒

附子

七錢五分

蜜丸食前烏梅湯下

婦人醋湯下

蟲喜溫惡酸而畏苦故用薑附之熱以溫之烏梅訶皮之酸以伏之大黃檳榔蕪荑鶴虱之苦以殺之木香辛溫以順其氣也

蠟蟲丸 治諸蟲積脹痛黃瘦等病

蕪荑 雷丸 桃仁 乾茶炒煙 雄黃微炒 錫灰

皂角炒煙 檳榔 使君子等分 輕粉減半 細樵肉

加倍 如蟲積堅固者加巴豆霜與輕粉同湯浸

蒸餅丸綠豆大每服五七分滾白湯下陸續服



之

使君子丸

治蠱脹腹痛及食勞發黃喜食茶米

炭土等物

飲食停滯、淫熱蒸鬱、則生諸蟲。至脹滿、噤痛、或發黃、身腫、喜食生米、茶葉

土炭者、盡之所嗜也。

使君子

去殼二兩

南星

薑製一兩

右藥合炒如喜

食生米用麥芽一觔炒喜食茶葉用茶葉炒喜

食炭土用炭土炒取藥為末蜜丸每晨砂糖水

下

誘之以其與炒以所嗜諸物同意。

獼肝丸

治

鬼疰傳尸勞瘵

此五疰之一其證使人寒熱沉沉默

默不知所苦而無處不惡死。後傳人乃至滅門。

獺肝一具須從獺身取下不爾多偽

陰乾爲末滾水服二錢

日三

吳鶴臯曰獺肝治鬼疰此何以故凡物惡人而僻處晝伏而夜出者皆陰類也故假之以治陰

疾獨用其肝者肝爲厥陰藏魂之臟也按物之惡人僻

處晝伏夜出者狐鼠皆然不獨獺也諸肝皆有葉數唯獺肝一月一葉其間又有退葉獨異於

他獸此其所以能治鬼疰也與。

掃蟲煎 治諸蟲上攻胸腹作痛

青皮

小茴香

吳茱萸

檳榔

烏藥

錢五分

細榧肉

三錢碎

烏梅

二錢

甘草

八分

硃砂

雄黃五分

為極細末

將前八味用水一鍾半煎八分去渣隨

入後二味末再煎三四沸攪勻徐徐服之如

惡心作吐加炒乾薑一二錢或先啖牛肉脯少

許俟一茶頃頓服之更妙

化蟲丸

治腸胃諸蟲為患

所以腸胃之中無物不容所以變生諸蟲者緣

正氣虛衰或誤食生蟲之物或淫熱蒸鬱而成猶物必先腐而後蟲生之義也

鶴虱

胡粉

苦楝根

東引未出土者

蕪荑

使君子

五錢 枯礬五分

為末亦可麪糊作丸量

人大小服之一歲兒可五分

消渴殺蟲方

夷堅志

治消渴有蟲

苦楝根

取新白皮一握切焙入麝香少許煎

空心服雖困頓不妨取下蟲三四條類虵而色

紅其渴乃止

消渴一證有蟲耗其津液而成者蓋飲醇食炙

積成胃熱溼熱生蟲理固有之臨病宜諦審也

雄檳丸

治腹痛胃痛乾痛有時

乾痛者不吐不瀉而但痛也有

時者淡食而饑則痛厚  
味而飽則否此為蟲也

雄黃 檳榔 白礬 等分飯丸每服五分

雄黃之辛毒檳榔之苦降白礬之酸濇皆殺蟲

之品也故合用以治之吳鶴皋曰古方殺蟲如雷丸貫衆乾漆蠅麝百

部錯灰之類皆其所常用者也有加附子乾薑

者壯正氣也加苦參黃連者蟲得苦而伏也加

烏梅訶子者蟲得酸而軟也加藜蘆瓜蒂者欲

其帶蟲吐出也加芫花黑丑者欲其帶蟲瀉下

也用雄黃川椒蛇牀樟腦水銀檳榔者治瘡疥

之蟲也用胡桐淚葇荑子韭子蟾酥者治齕齒

之蟲也用川極皮海桐皮者治風癰之蟲也

用青箱子覆盆葉者治九竅蠹蝕之蟲也

用敗鼓心桃符板虎骨死人枕獾

爪鶴骨者驅勞瘵之蟲也